

大同府志卷之五

大同府知府吳輔宏纂輯

形勝

唐一行之言曰北紀山河之曲爲晉代負險用武之國也上遡秦漢以來靡弗堙谷塹山築亭起障迨於有明尤稱重鎮焉我

國家疆輿式廓六合同軌蒙古駐牧舊壤近皆設官建邑制同腹裏幾無中外藩籬之限古者在國曰固在野曰險蕭相國具知天下阨塞馬伏波聚米爲山谷指畫形勢蓋所以固封疆鞏垣翰元要塞謹關梁塞蹊徑胥恃

大同府志

卷之五

形勝

一

乎此間嘗南臨勾注北過沮洳西眺朔野東瞻代谷莅斯土者思以拱翼

神京而屏秦晉其無忘司險之意乎志形勝

管子曰恒山北臨代南俯趙東接河海之間

趙簡子告諸子曰吾藏寶符於常山上先得者賞毋恤還曰已得符矣從常山上臨代代可取也

趙武靈王謂公子成曰吾國東有河薄洛之水與齊中山共之自常山以至代上黨東有燕東部之境而西有樓煩秦韓之邊

蘇厲爲齊遺趙王書曰秦以三郡攻王之上黨羊腸之西

勾注之南非王有已踰勾注斬常山而守之三百里而通於燕代

蘇秦說燕文侯曰燕之所以不被甲兵以趙之蔽其南也秦欲攻燕踰雲中九原過代上谷彌地數千里 說趙肅侯曰山東之國莫彊於趙西有常山南有河漳東有清河北有燕國

張儀說楚懷王曰秦地半天下兵敵四國席卷常山之險必折天下之脊索隱曰常山於天下在北有若人之背脊

漢高帝十一年詔曰代地居常山之北邊趙乃從山南有大同府志

卷之五

形勝

二

之遠頗取山南太原之地益屬代代之雲中以西爲雲中郡

北魏僕射源懷議視恒代諸鎮左右要害之地皆量其高下揣其厚薄築城置戍

唐杜佑曰并州左右山河古稱重鎮

起居舍人盛度言自秦築長城西起臨洮東至遼陽延袤萬里有郡有軍有守捉襟帶相屬烽火相望其爲形勢備禦之道至矣

明總督余子俊曰大同中路西至偏頭關六百餘里地勢平坦無險可據不可忽之

總督許論曰高山聚樂二城堡蓋在鎮城兩腋間募軍分駐則按伏之費省犄角之勢成

巡撫蔡天祐曰宏賜五堡爲雲中腹背之地北逼沙漠南翼鎮城東亘陽和西連左衛三面開耕一面控禦 又曰大同西路起了角山歷中北二路東抵陽河鎮口臺六百四十里險在外所謂極邊也 又曰宣大山西外邊地有平險路有迂直合而言之則大同最稱難守分而言之則大同之最難守者北路也 又曰陽和天城山口深曲岡崖擁隔

總督楊博疏曰內外通達有磁窑口林關口唐山口直峪

大同府志

卷之五

形勝

三

口紅沙坡口石門峪口大檀口北口柳河口九宮口永寧口松子口三間口共十三口俱係沿邊緊要磁窑口內有銀釵驛馬嶺石門峪口內有鎗頭嶺北口內有黑石嶺四口雖係內口亦爲要害

都御史劉臬曰鴈門平刑盤道梁爲阨塞由鴈門東顧則平刑西顧則盤道梁介乎東者則水峪湖峪馬蘭茹越小石大石太安團城凌雲葫蘆焉介乎西者則太和白草八岔小蓮夾柳燕水雕窩元岡焉是所名十八隘也都御史孫繼臬疏曰自右衛雙溝墩至東陽河鎮口臺爲大同長邊自丫角山至雙溝爲大同緊邊

范濟曰大同宣府乃京師之藩垣邊徼之門戶

舊志曰懷仁黃花聳其前三臺擁其後東映鎮海西噓峪  
口 山陰九嶺拱圍二河吞納東西長川坦然平濶  
應州茹越屏其南桑乾帶其北龍首雄峙於左鴈門拱  
障於右 渾源居并代之間臨絕塞之地八山旋而環  
繞二水合而匯流 靈邱臂聯雲朔吭扼鴈門萬山環  
繞澆水旋折咫尺邊陲爲紫荊門戶 廣靈北枕桑乾  
南控太白西接鸞嶺東距洪渡中帶壺流地居恒代之  
衝壤連趙燕之界 陽和天城之於保安如人有衣裘  
形體於是乎蔽

大同府志

卷之五

形勝

四

大同府

關隘邊牆邊堡  
分列各屬下

大同縣

附郭

府界長城東自直隸宣化府懷安縣邊界李信屯起西至  
府境天鎮縣緣邊東陽河堡界二十三里新平堡界一  
十三里天城界七十二里西至陽高縣緣邊陽和界四  
十里靖魯堡界二十七里西至大同縣緣邊鎮邊堡界  
二十五里得勝堡界二十二里鎮魯堡界二十九里鎮  
河堡界二十一里西至朔平府左雲縣拒門堡邊界共  
沿邊長二百九十四里皆明時築  
縣界長城東起鎮川堡西至拒牆堡

鎮邊堡城北少東八十里洞子溝稍西地名南車房現設官兵防守

鎮川堡城東北五十里水頭稍東現設官兵防守

宏賜堡一名紅寺城北六十里北直邊外葫蘆海現設官兵防守

鎮魯堡城西北五十里地名護保村北有張布袋紅土等溝

鎮河堡城西北四十里沙河南地名好女村北拒河險東與護保等處聯絡以上五堡明嘉靖十八年築

拒墻堡城北少西八十里彌陀山南現設官兵防守

大同府志

卷之五

形勝

五

鎮羌堡城北八十三里北對三山焦山現設官兵防守以上二堡明嘉靖二十四年築在垣外重垣之內又有拒門助馬二堡今隸朔平府界所謂塞外四堡也

聚落堡城東六十里現設官兵防守明天順二年以鎮城孤峙旁無輔衛乃東城聚落西城高山爲左右兩翼高山今隸朔平府

得勝堡城北八十里口外卽豐鎮界現設得勝路官兵防守

平山絕頂宏賜堡東南十五里五堡分中處一山特起絕頂爲平地升巔四望五堡俱在目大明時創一小堡於

其上名曰會遠中設公館以爲發兵之地

牛皮關城東六十里牛皮嶺下嶺盤踞十里北連採掠山  
南連土坡山現設汛兵防守

東奕峪城西南四十里

煤峪口城西十里

石佛寺口城西三十里左雲縣界

黑峪口城西四十里

營盤溝城北七里卽陰山道現設汛兵防守

野狐嶺城北二十六里現設汛兵防守

孤山灣城北四十里通得勝鎮川要路現設汛兵防守

大同府志

卷之五

形勝

六

開山口城東北四十里東通陽高縣自北而西有小石大  
石二口又折而南有黑峪尖峪二口

懷仁縣

大峪口縣西南四十里山路甚廣可行車南通鴈門關西  
連左雲右玉諸城堡現設汛兵防守通志懷仁之大峪

口左雲之紅羊峪形勢相連胥四峰山阻隘也

小峪口縣西南二十里大峪口東上有張萬戶洞最峻險  
偏嶺口縣西南五十里北有大峪小峪蘆子鵝毛四口

鵝毛口縣西北十五里西通左雲右玉

四老口縣西北四十里東連七峯山

鵝鴿峪口縣西三十里

陳家峪口縣西北二十里宋將楊業敗處

馬什嶺口小磨口並在縣西十五里

吳道口縣西二十里

炭嶺口縣西二十五里

蘆子口縣西南十五里蘆子山

紅山峪口縣西南三十五里牙余山

### 山陰縣

大于口在黃花嶺西縣北

水峪口在縣西南通代州南山大小十餘口

### 大同府志

#### 卷之五

形勝

七

榆林口縣南三十里沙家寺南白泥河發源於此

岱岳鎮縣北三十里現設官兵防守

### 應州

黃沙口州東南六十里北接牛槽峪南通代州大石口

茹越口州南四十里西接湖峪口其間有峙峪小山門峪

龍灣峪箭杆峪明樞峪狼峪神堂峪水峪馬峪東安峪

西安峪十一口現設官兵防守

北樓口州東南四十里南通繁峙縣朗嶺關東有黃沙徐

峪康峪三口西有牛槽大石小石三口現設官兵防守

一作碑樓口元史應州金城縣東設碑樓口千戶所

湖峪口州西南六十里現設官兵防守

勾注陁在州西南代州界南山之北與龍首山相望

黃花岡州西四十里橫互聯絡跨大同懷仁山陰三縣境

護駕岡州南三十里

趙霸岡州東二十五里南北橫臥右腋下即渾河以上爲

三岡

安邊鎮州東二十里

大羅鎮州南四十里

司馬鎮州西十五里

神武鎮州北四十里以上爲四鎮

大同府志

卷之五

形勝

八

渾源州

磁窑口關州西南十七里恒山右脇路通靈邱現設汛兵

防守

磁窑峽口州南十里上有磁窑天險四大字峽口西南三

十里有西峽

鸞嶺口關州東四十里恒山左脇路通廣靈現設汛兵防

守

大塞頭關州東南一百一十里東南連平刑關

李峪口州西南十五里南通應州北樓口

大小凌雲口一名小峪城在州西南三十五里南通北樓

口

獨爐寨石板寨在西南峯上

搶風嶺在青磁壑峽南南連孫臏山西北連恒山現設汛  
兵防守

孫臏寨在南山上西去數里有龐涓寨

靈邱縣

東河南村寨縣西南三十里太白西壁野窩嶺兩山虎踞  
中界塘河西拒渾源外邊南引鐵嶺倒馬北控蔚州山  
徑叢雜馳騁爲難現設官兵防守

鵝毛嶺縣南七十里路多叢雜

大同府志

卷之五

形勝

九

隘門山一名石門口縣東南二十里壁立直上徑最險隘  
塘河經行其下路通廣靈廣昌舊名隘口關相傳宋楊  
延朗嘗守此

鎗嶽嶺縣東二十里石磴直上千仞鑿壁數十盤蟻附而  
登石齒俱斧鋸痕壤界蔚州廣昌

義泉嶺縣北三十九里山勢少拓一嶺當關爲廣靈蔚州  
孔道

崿道山一名二道峽在縣東北二十里奇險過隘門兩峭  
壁笏立數千尋山樹糾結溪路濶數尺裁容騎暑月驟  
雨暴漲亂石蜚轉而下人不敢行

直谷關唐靈邱縣有直谷關今名直谷口隸廣靈縣其北有孔嶺關有大安鎮五代史晉王將出師謂諸將曰高思繼兄弟在孔嶺關有兵三千此後患也

三山縣東二十五里前有三山堡地多渠壑路徑繁雜偶過者不易辨

水南寨縣西南五十里高四丈餘北有河水寨

順城寨縣南一百里高五里峭壁如城

### 廣靈縣

直谷口縣南十五里靈邱要路兩崖壁立一徑幽杳泉自南來或滙或流行人蟻銜走澗中今改道峪左名紅沙

### 大同府志

#### 卷之五

形勝

十

坡天險峻絕山上有古長城址

林關峪口縣西南四十里林管山路通靈邱東臨絕澗西依危崖谷深林密六郎城遺址存上有勤翰寨峪口東三十里有直峪口又東十餘里有唐山口及樺澗嶺火燒嶺二口俱險峻

樺澗嶺口縣東北四十里路通西城山險徑狹馬不並馳一名樺欄嶺

火燒嶺口縣西北六十里路殊寬坦嶺脊砌石爲邊延袤數十餘丈踰墻爲天鎮境徑復險隘

夾石溝縣北四十里大山之西山在縣北三十里礮道直

躋峻而不險至嶺巔差廣復聳一山爲平原塢北瞰陽和塞南望太白峯道通天鎮陽高折西爲夾石溝磴道狹曲乃北界之屏障也

石梯嶺縣西二十里渾源要路設兵防守

鐵裏腰封寨在加斗山峭巖壁立狀若鐵裏中有懸橋

觀音寨在白羊山上

峩峪寨上巖壁立下跨深澗巖畔突出一峯居民懸橋而渡

陽高縣

長城東起鎮門堡西至鎮宏堡新界石墩

大同府志

卷之五

形勝

十一

鎮門堡縣東北二十里北至邊牆半里卽鐵裏門現設官兵防守左右有鎮門東西墩鎮門西爲小鵝鴿峪口石人口鎮門東爲大鵝鴿峪口雕窩崖不懺溝門南爲扒兒口

白坨峪小口一名鵝鴿峪在縣東北十五里明嘉靖間王邦直率兵遠出塞外抵鵝鴿峪卽此又東十五里爲白

坨峪大口

虎峪口縣東北二十里

守口堡縣北少西二十里東接鎮門堡西接靖魯堡北至邊牆有馬市樓外有清涼嶺風洞虎兒山東北有猴兒

山現設官兵防守

和前口在縣西北十五里口之東北二十里有將軍口  
又東二十里爲陽和後口以上諸口俱附雲門山麓

魯堡縣西北長塹內明嘉靖二十二年築現設汛兵防  
守明史大同邊垣自東陽和鎮口臺起至開山口爲東  
路自靖魯堡起至丫角山爲北路西路

白登山縣東南二十五里現設汛兵防守

高柳塞縣北十里爲今開山口擅風崖迤北地卽唐青坡  
道蓋所以東應帷臺嶺北偵威寧海彈翰山而西控平  
城縣之平原曠野也

大同府志

卷之五

形勝

十二

開山口一名墨谷口金元帥奧屯襄出軍於此元史作密  
谷口現設汛兵防守

樞密寨在西山迤南峯巒突兀巔有石洞援鐵絙而上

天鎮縣

長城東起東界牌墩西至駱駝巖墩

東陽河堡東接直隸西陽河界李信屯大同東路山北東  
陽河橫直邊牆二十八里接連宣府西路之西陽河係  
一膜之地其去大同東路山南之天城陽和則隔高山  
六七十里或百二三十里險仄難行

新平堡縣東北六十里西北皆至邊牆古爲榆林縣地隸

集寧郡後蒙古駐牧明嘉靖十五年都督周尙文修邊一道地入版圖堡西北有馬市口西南有南口俱外接豐鎮界現設新平路官兵防守

保平堡縣北六十里在新平堡西南

平遠堡在新平堡東南至縣六十七里西北有平遠口

樺門堡縣北四十里以上四堡在長城之外重城之內所謂城外四堡也

長勝堡縣北六十里明永樂元年築

張仲溝李兒溝長城由迤西折迤西南又由迤西南折迤西至張仲溝又迤西爲李兒溝

大同府志

卷之五

形勝

十三

枳兒嶺縣東三十里接直隸宣化府懷安縣驛路兩縣交界處中立石限土分二色現設頭梁二梁汛兵防守

大梁縣東北四十里懸崖峭壁高數百丈險埒鴈門冬多積雪係通新平要路現設官兵防守

瓦窑口縣東北三十里東北皆至邊牆現設官兵防守

鎮寧堡縣北二十里明嘉靖四十四年築左近滅虎白羊二口極衝又北二十里有薰窑口

白羊口一作白陽在縣北少西三十里又西爲榆林口以上二口俱在 翠山南麓

甄磨口縣西北二十里北對邊牆外滅虎墩卽滅虎口也

水磨口縣西北三十里榆林口西其南爲鎮口堡邊牆自水磨口而東北踰山至馬頭兒地又渡溝而北接直隸西陽河界之鎮口臺

六稜山縣南一百二十里桑乾河之南山勢雄峻惟火燒嶺一路通廣靈

小盤道山縣南五十里兩山對峙道狹而屈曲如羊腸坂爲廣蔚西城大道

米薪關縣南二十里關南有米薪山

豐鎮廳

外塞在大邊外形如偃月東西皆附於舊塞明嘉靖二十

大同府志

卷之五

形勝

十四

八年築今廢址尙存周經重修大邊記大同於九十里外築小城曰小邊又於百里外築大城曰大邊

平頂大山廳治東北一百二十里北連桃花彩雲二嶺迤東通張臯兒包家營高廟子各村直達張家口西南至集賢莊二十里中有峻嶺深溝嶮巖泥濘頗稱緊要

保全莊廳治西少北二十里窪下積水泥濘難行東南接畱雲窪西通寧遠廳界現設汛兵防守

三祝窪廳治北二十里南通湧月灣北連察哈爾正紅旗界平沙曠野蒙民雜處惟新城河一道流出兩山間遶北而東而南可稱天險

四美莊廳治東北八十里地勢平坦無險可據額設官兵  
駐防又北爲隆盛平裕二莊皆與察哈爾南界毗連設  
兵防守

十八兒台東南距廳治三十里在白牙义山北麓又北爲  
大壩山西通寧遠踰大壩而北爲正紅旗界

東山巖廳治東六十里南北橫列如屏北連八楞山山左  
爲拱照村右爲樂成莊俱設汛兵防守

高廟子西南距廳治二百里東通張家口北有二道河又  
北有大青山又西北有黑山子中有哈拉溝一 路通  
正黃旗界現設豐川營官兵防守

大同府志

卷之五

形勝

十五

三台道廳治南七里高坡叢石路徑險仄中通山溝一道  
爲得勝口出入要路現設汛兵防守

望城坡在得勝口外北距廳治一十六里與三台道山橫  
互聯絡足爲內地屏障

威寧口省志云在陽高縣西北七十里今當屬廳界雲中  
古志威寧海在大同城西二百二十里其繞北而東者  
乃其發源也

貓兒莊省志云在陽高縣北一百里其北二十里有口子  
牆以今考之當在四美莊大莊科之間

八墩口在鎮川口外西爲十九山毗連邊牆

石人口在鎮門口外少東今名大石人

大同府志卷之五終

大同府志

卷之五

形勝

十六